

Band X., Nr. 4921, Seite 547

*Bruder Rugger von Scheffach, Komtur, und die Brüder des
Johanniterspitals in Hall kaufen die neue Mühle beim Gutleuthaus zu Hall.*

Ohne Ortsangabe, 1296. November 29.

Wir bruder Ruchger von Schefauwe commendiure des heiligen huses des spita-
tales sante Johannes orden zu Halle und die bruder gemeinlichen des vor
genanten huses allen den, die disen brif sehen oder horent lesen, wünschen
wir heiles in unserme herren ewicliche. Wann vergeszekeit der sachen dicke
den lüten widermüte unde ungemach machet, dar umbe ist ez wislich unde
nüzlich, daz man sie bevestene mit urkunde der scrifte. Dar umbe so wiszen
alle, die nu sint und die her nach kument, daz wir han gekauft umme hern
Walter Egen unde umme den gūten Egen, der hern Ūlriches Letenhers sun
was, die da burger sint ze Halle, unde umme alle ir erben gemeinliche unde
genzliche alles daz reht daz sie haten an der nūwen mūlen, die da gelegen
ist uf der wisen unde uf deme Kochen, bi den gūten lüten vor der stat ze
Halle, gesūth unde ungesūth, ze alleme rehte, unde daz sie daz vor genante
reht oder daz lehen uf geben sollen den lehenhern, von den sies jegen daz
siez enphangen haben, swanne wir siez erman, unde geloben uns vurbaz kein
ansprache ze verrihtene gein deme lehenhern umme daz lehen unde auch nit
kein ansprache ze verrihtene, die uns ufstet vomme anheft, swaz andere sa-
chen ruret da von der mūlen an den teiln, die wir umbe sie kauft han, daz
uns daz sollen vertigen zu alleme rehte, unde han uns daz gelobet, daz uns
rehte werschaft sollen dun, alse man teilet ze Halle an deme gerihte vor deme
sculteizen, swanne daz geschith, so sollen wir sie sagen ledic unde los aller
gelūbede. Daz dize gelubede, die hie vor gescriben ist, und der kauf stete unde
veste blibe, des ist gezug: bruder Rūchger von Schefauwe commendiure des
vor genanten hūs von Halle, bruder Conrad von Spire, bruder Burchart von
Halle, bruder Ūlrich von Halle, her Heinrich der sculteize von Halle, der da
genant ist der Ummaze, her Heinrich von Tullauwe, her Walther von Kun-
zelsauwe, her Heinrich der Lecher, her Herman Snewazzer, her Ūlrich von
Geilnkirchen, her Walther Slegel, her Conrad der Veldener, die da burger
sint ze Halle, unde han auch disen brif besigelt mit deme ingesigel unsers
huses ze Halle.

 Diz geschag, da von gotes geburte waren tusent
jar zwei hundert jar nūnzich jar in deme sesten jaren, an sante Andres abent
des zwelfboten.

II

Textabdruck folgt dem Original.

 Abhängendes rundes Siegel, s. WUB,
Bd. IX, S. 490, Nr. 4164.

Überlieferung und Publikationen

Lagerort:

HStA Stuttgart

Signatur/Titel des Originals:

B 352 U 57

Überlieferung und Textkritik:

Original. Abschrift im Kopialbuch HStA Stuttgart H 14 Nr. 156, fol. 1b, Nr. 2.

Regesten:

Zeitschrift Württembergisch-Franken, Bd. 9, S. 80.

Weitere Angaben

Sprache:

Deutsch

Ausstellungsort:

Ohne Ortsangabe

Ortsindex:

Gailenkirchen Wohnplatz (3328)
 Gailenkirchen, Schwäbisch Hall, SHA
 Künzelsau Wohnplatz (2446)
 Künzelsau, KÜN
 Schwäbisch Hall Wohnplatz (3361)
 Schwäbisch Hall, SHA
 Speyer, SP
 Tullau Wohnplatz (3499)
 Tullau, Rosengarten, SHA
 Unterscheffach Wohnplatz (3488)
 Unterscheffach, Wolpertshausen, SHA